

DISSERTATIO PHILOSOPHICA
DE
METHODO
MATHEMATICA EX-
TRA MATHESIN
APPLICANDA.

QVAM

D. O. M. A.

RECTORE MAGNIFICENTISSIMO
SERENISSIMO PRINCIPE AC DOMINO
DOMINO

GVILIELMO HENRICO,

DVCE SAXONIÆ, JVLIACI, CLIVIÆ, MONTIVM, AN-
GARIÆ, WESTPHALIAEQVE, ET RELIQA.

CONSENSV AMPLISSIMI ORDINIS PHILOSOPHICI

PRAESES

M. JACOBVS GVILIELMVS MI-
CHAEL Waffer

ET RESPONDENS

HENRICVS DANIEL HELLERVS
OETTINGENSES

SOLEMNI ERVDITORVM EXAMINI

AD D. AVG. M D CC XXIII.

SVBIIICIUNT.

J E N Æ

TYPIS JOH. ADOLPHI MULLERI

58700 (16)



SERENISSIMO PRINCIPI AC
DOMINO

D O M I N O

**ALBERTO ER-
NESTO II.**

S. R. I. PRINCIPI OETTINGENSI

**SACRÆ CÆSARÆ ET CATHOLICÆ
MAIESTATIS GENERALI MARE-
SCHALLO CAMPI, COPIARVM EQVE-
STRIVM, QVÆ CIRCULO SVEVICO
SVNT, GENERALI, ET PRÆFECTO
LEGIONI DIMACHARVM.**

&c. &c.

**DOMINO SVO CLEMEN-
TISSIMO.**

SERENISSIME PRINCEPS,
DOMINE CLEMENTISSIME!

Tertius annus est, & si quid excurrit, ex quo Serenissimo Tuo Nomini studiorum meorum primos fructus, quos in scholis adhuc puer constitutus collegi, mente deuotissima consecrarem; audeo nunc iterum, cum reddenda mihi aliquando tandem laborum meorum ratio sit, quos Iuuenis in Ienensium Academia in bonas literas impendi, TE accedere, cum clementia TVA fretus, tum quod TIBI soli id
de-

DEDICATIO.

debere videar. Cui enim potiore iure qualiumcūque meorum in studiis conatum ratio constaret, quam **TIBI, PRINCEPS CLEMENTISSIME!** qui inter tot tantaque ardua, quibus in gloriosissimo regimine **TVO** circumseptus es, negotia liberalium artium curas ipso Augusto dignas geris, eosq;, qui suos animos iisdem imbuerunt, foues, defendis atque ornas. Ecquis enim eorum est, cui fors in terris **TVAS** nascendi, vel eas adeundi contigit, qui, bonarum artium alumnus, singularem Tuum & fere incredibilem erga litteratos, remque litterariam sectantes fauorem non admiratus tantum, sed ipse expertus sit. Ego, qui me tyronem in eruditione fateor, ea tamen **TANTI PRINCIPIS** gratia hætenus fructus sum & adhuc fruor, vt, quid superaddi possit, nesciam. Per **TE, PRINCEPS SERENISSIME!** licuit doctrinæ fundamenta iacere, iactis superstruere & litterario otio adhuc perfrui. Effectum autem hoc ipso est, vt nullus verear, quo minus qualicunque dissertationi meæ cellissimum nomen Tuum præscribam. Neque vero argumenti ratio me deterruit, id tentare, quum in ostendendis quibuscunque rebus non exactum modo demonstrandi genus adames, sed & exigas. Itaque vt lucubrationem meam Clementissimo vultu, id est **TVO**, accipias, summa animi submissione rogo & obtestor. Recepturum vero **TE** omnino mihi per-

DEDICATIO.

suasus sum, vel hoc ipso, quod memet ipsum simul
deuotus offeram, nec TV nescias,

quod qui quam potuit, dat maxima, gradus abunde est.

DEVM veneror, vt Tantum Principem, prolixissimum
seculi sui ornamentum diutissime florentem sospitem
que esse iubeat, & in seros Nestoriosque annos conserua-
re velit

SERENISSIME PRINCEPS

DOMINE CLEMENTISSIME!

SERENITATIS TVÆ

Ienæ d. XXVII. Aug.
A.O.R. MDCCXXIII.

Cliens deuotissimus
Iac. Guil. Michael Waffer.



Q. D. B. V.

Sectio Prima Historica,
De
VARIIS, QUÆ INTER PHILOSOPHOS OB-
TINERVNT MAXIME, DOCENDI
METHODIS.

§. I.

Hominum cognitionis genus triplex est; v-
num historicum, alterum philosophicum,
tertium mathematicum.

§. II.

Horum primum in rerum gestarum factarumque
perceptione atque enarratione ponitur; in altero est il-
lud, quod in eorum, quæ facta sunt, causas inquirat &
cognoscit eas; vltimum non has modo considerat, sed
etiam, quam habeat earum quævis efficiendi facultatem,
æstimat.

§. III.

Inter hæc tria genera illud maxime *a)* interest,
A 2 quod

a) Quæ hominum cognitionis genera, quamquam inter se di-

quod, cum rebus factis sensu moveantur homines, historicum cognitionis genus ad id solum, quod præsens est, se accommodat, adeoque omnibus *b)* commune est: Philosophicum autem atque mathematicum, quod causas

uersa sint, tamen est in illis naturalis quidam ordo, quem turbare nefas est. Vanam enim & insanem philosophicam cognitionem dixeris, quæ, si historica non præcesserit, stare cum recta ratione velit. Est tamen in multis is animus, ut non modo nullius historicæ cognitionis rationem habeant, sed etiam humiles putent omnes & abiectos, qui communes notissimasque omnibus veritates curant, nec, ut ipsi volunt, ad altiora subinde ascendant: qui, quam feliciter res sibi cedat, ipsi videant. Itaque requiretur fortasse nunc, utrum, cum hæc ita sint, mathematici nomen quis tueri possit, in quo philosophia exulat? Ego, si veterum, PYTHAGORÆ imprimis & PLATONIS *μηδεὶς ἀγεωμέτρητος εἰσὶτω* ob oculos mihi pono, & quid ad eum, qui neque musicā, neque Geometria, neque Astronomia instructus ludum suum frequentare cupiebat, XENOCRATES dixit: *Πορεύεσθαι, λαβὰς γὰρ ὅτι ἔχεις φιλοσοφίας* (vid. DIOG. LAERT. L. 4. segm. X. p. m. 170.) considero, facile in aliam rapi partem possem, nisi, quid hæc præcepta sibi velint, satius constaret. Constat vero, inter mathematicam cognitionem & mathesin ipsam magnum discrimen intercedere: Illam nemo acquireret, nisi philosophica cognitione imbutus; hanc ipsa philosophia sequitur. Atque alterum veteres innuisse, MERCVRIALIS testis est, var. Lect. L. II. C. II. ubi „Xenocrates, inquit, eo responso innuere voluisse, videtur, disciplinas ordine quodam esse apprehendendas, neque, adeundam philosophiam, nisi NB. mathematicæ disciplinæ teneantur &c. „ Sed tenendæ sunt ob id, quod iucundæ sunt, attentioresque adolescentes reddunt, quod ipse omnino recte asserit ILLVSTR. THOMASIVS Cautel. C. XI. §. 3. not. c. p. m. 227.

b) Quare vulgaris atque nominalis ILLVSTR. TSCHIRNHAVSIO appellatur in præfatione ad medicinam mentis.

fas rerum vident, earumque vim ac potestatem cernunt, (§. 2.) pauci habent, & ii tantum possident, qui sapientiorum c) nomine insigniri solent. Quare scientifice rem suam dicuntur nosse.

§. IV.

Tum enim arbitramur, scire vnumquodque, cum prima elementa & causas cognoscimus. Atque, cum

A 3

causæ

c) Olim sapientum appellatio omnibus quarumcunque artium peritis tributa fuit. Primus philosophiæ nomen PYTHAGORAS fertur vsurpasse vid. CICERO. Tuscul. V. QVINTIL. L. XII. C. I. CLEMENS ALEX. Strom. I. EVSEBIUS præpar. Euang. C. IV. LACTANTIUS III. C. 14. & ex his MENAGIUS in notis ad Diog. Laert. L. I. Segm. 12. p. m. 8. qui tamen non Pythagoram solum a veteribus philosophum ἀπλῶς fuisse appellatum, sed etiam Porphyrium, citato loco annotavit. Vtrum vero humilitate potius ac ambitione ductus Pythagoras philosophus laudari voluerit, non inquiremus, sed, qui de re hac conferri possunt, ad SCHÆFFERVM de philos. Ital. C. VI. p. 34. celeberrimumque HEVMANNVM in actis philosoph. P. I. C. 2. p. 65. sqq. beneuolum Lectorem ablegamus. Nobis philosophi dicuntur Weltweisen, de cuius denominationis ratione & origine non satis tamen constat. Anguem in herba latitare non pauci autumant, & inter eos quidem maxime, quem supra iam laudauimus, CL. HEVMANNVS l. c. P. II. C. IV. p. 315. confer. Neue Bibliothec 27. Stück obs. 2. p. 598. Quicquid vero sit, id tamen certum est, vocem hanc der Weltweisheit intimam naturam rei exhaurire. Quæ enim omnia in philosophia pertractantur, à rebus, quæ in mundo sunt, abstractæ merito ideæ appellantur. Et quamquam philosophia nostra etiam circa Deum versetur, is vero, ut à SUMMO LEIBNITIO dicitur, ens extramundanum est, tamen, cum vel DIVO PAVLO teste Rom. I, 19. ex operibus mundi cognoscatur, Θεωπνεύσω præeunte, doctrinam de summo ente hoc ad philosophiam, quæ Weltweisheit vocatur, non ambigimus referre.

causæ rerum eadem semper sint, determinatur intellectus ad alteram partem *d*) cum certitudine, quæ si adest, principia præsto sunt, ex quibus, tanquam ex fontibus, conclusiones deriuantur, riuuli.

§. V.

Est ergo scientia cognitio rerum per causas, per quas vnumquodque est, seu quod idem est, habitus demonstrandi (§. 4.)

§. VI.

Philosophiam ergo *e*) definimus, quod sit scientia possibilium, quatenus suntabilia: Mathesin vero, quod metiendi sit scientia vel quantorum. (§. 1. 2. 3.)

§. VII.

d) Quod proprium intellectus est, qui, non nisi per argumentorum pondera, mouetur, adeoque necessaria facultas optimo suo iure appellatur. Conclusiones, quæ deduci ex hac thesi possunt, ex multis suæ imprimis luci reddidit acutissimus BAILIVS in „Commentaire philosophique sur les mots de l' Evangile de Jesus Christ, contraint les entrer.

e) Quæ contra definitionem hanc dubia moueri possunt, ipse iamiam ILLVSTR. WOLFFIVS iugulauit in dem Vorbericht von der Weltweisheit, denen vernünftigen Gedanken von den Kräfte des Menschlichen Verstandes præmisso §. 8. sqq. p. 3. &c. Aliorum philosophorum alia est definitio doctrinæ suæ. Ita philosophiam SENECA definiuit Ep. 94. quod sit lex vitæ: PLATO, quod meditatio mortis sit, & alibi, Φιλία τῷ Θεῷ, quod idem fere est cum iis, quæ Sap. VII, 28. dicuntur. PYTHAGORAS ἐν γνῶσει τῶν ἀληθῶν καὶ ὄντος αὐτῶν philosophicam cognitionem posuit. vid. IAC. THOMASII „schediasma de originibus hist. philos. „ Quæ definitiones omnes, etsi non reiiciendæ absolute sint, tamen id incommodi secum ferunt, quod (quæ tamen affectio separari à definitione nequit) non vniuersales sunt, sed ad particularia philosophica præcepta tantum applicari possunt.

§. VII.

Quod igitur de omni scientia dictum est, (§. 5.) habitum demonstrandi esse, id de philosophia quoque & Mathesi affirmamus (§. 6.)

§. VIII.

Ratio demonstrandi veritates & docendi alios *f*) methodus vocatur, adeoque definitur, quod modus sit & ordinatio in rebus proponendis cum aliisque communicandis.

§. IX.

Mathematici certam demonstrandi rationem proprie sibi vindicarunt, philosophi non itidem, qui, vel pro temporis vel genii sui ratione, diuersas in proponendis suis veritatibus vias iniuerunt.

§. X.

Nos igitur, quæ fuerint præcipuæ philosophorum proponendi atque demonstrandi methodi (§. 9.) indicabi-

f) De etymologia græci idiomatis non est, cur simus anxie solliciti, quæ vel ex SVIDÆ Lexico hauriri potest. Vnum est, quod notamus, loqui nos de methodo proponendi in specie, quæ an diuersa sit a meditandi methodo, disquiri solet. Ego, si quidem recte coniicio, credo, eandem ferme, quam inter iudicium & propositionem Logicæ Doctores obseruarunt, differentiam intercedere. Altera vnâ sequitur, & in eo differunt, quod illud mente teneatur, hæc verbis enuncietur; conueniunt autem in illo, quod & iudicium & propositio iisdem partibus constat, eodemque ordine tam in mente, quam verbis, sese sistit. Atque vero eundem in meditando ordinem, ac in proponendo veritates, obseruari, offendet is, qui vel ad propriam suam experientiam attenderit, de qua tamen re pluribus disquirere, non huius loci est. Idem iam notauit celeb. GVNDLINGIUS in via ad veritatem P. I. L. 3. C. 1. §. 4. p. 89. seqq.

cabimus : Deinde indolem & naturam mathematicæ demonstrandi methodi (§. cit.) exponemus, tum, an applicari etiam hæc ad philosophicas disciplinas possit, dispiciemus maxime.

§. XI.

Atque quod primum quidem attinet, varia philosophiam docendi genera, si omnium velimus desiderio satisfacere, eorum hæc, tanquam vñtatisima, præcipue obseruamus : Primum historicum atque paræneticum : Secundum illud, quod per symbola, emblemata, hieroglyphica, ænigmata fabulasque factum est : Tertium, quod adagiis & apophtegmatibus absoluitur : Quartum, quod vel in dialogis vel satyris inclusum ; vltimum vero, quod per apodixin seu demonstrationem datum est.

§. XII.

Historia est rerum g) gestarum scituque necessariarum ab aliis facta enarratio : Parænesis autem b) consilium de rebus, vel perpetrandis vel omittendis, datum.

§. XIII.

g) Quæ differentiam constituunt historiam inter fabulasque Romanenses, de quarum origine elegantissime scripsit DAN. HVETIVS in peculiari libro de „origine fabularum Romanensium.„ Earum lectio an prorsus detestanda & abominanda sit ? lis inter eruditos est. vid. quæ in vtramque partem argumenta adduxerunt HEIDEGGERVS in Mytoscopia Roman. GVNDLING. in den neuen Unterredungen p. 255. seqq. THOMAS. in Monaths-Ge-sprächen. P. 1. p. 24. seqq.

b) Hinc philosophia hæc, quæ parænetica ratione traditur, præceptiua dicta est a SENECA. vid. Ep. 24. 95.

§. XIII.

Symboli vox, vt *i*) varie accipitur, ita hic imprimis appellatur similitudo & aliqua naturæ communitas: *k*) emblemata vero imago figurata a rebus intelligentibus ad intelligentes alias translata.

§. XIV.

Hieroglyphicum est imago ex quacunque re ad quamcumque significandam aliam desumpta; Ænigma occulta & difficilis connexio rei significatæ cum figura.

§. XV.

Fabula, quæ a *l*) fando dicitur, & proprie sermo est rei que diuulgatio, nobis narrationem denotat, delectandi & docendi causa fictam.

§. XVI.

Adagium nuncupatur dictum vulgi sermone celebratum, figurate aliquid significans: Apophtegma autem,

B

tem,

i) De variis vocis huius significatibus superuacaneum foret, disputare, quia otium in hac re fecerunt in examinandis illis celeb. VOSSIUS de tribus symbolis C. IX. §. 16. seqq. PASCHIVS de variis modis moralia tradendi C. IV. §. 17. p. 404. 405.

k) Emblematis naturam atque indolem vberius exposuit IOH. IAC. MVLLERVS in introductione in artem emblematicam.

l) Testis rei VARRO est. Vnde PLAVTI illud: "Eccum tibi lupum in sermone,, & TERENCE, "Lupus in fabula,, Latine voci vocabulum græci idiomatis respondet *μῦθος*, quod idem sæpe ac *λόγος* est, vt apud HOMERVM Il. α 388. HESIODVM *Θεογονία* 20. sæpissime autem fictam æque, ac vox fabula, narrationem denotat. Hinc *οἱ μῦθοι λέγουσιν* apud ISOCRATEM in Parænesi ad Demonicum p. m. 22. "fictæ narrationes tradunt,, vertenda sunt. Eodem sensu voce hac Diuus ipse PAVLVS vsus est I. Tim. IV, 7. vbi vt *γρᾶνθεὶς μύθους* reiiciat, dilectum firum admonet.

tem vocatur breue & facete dictum ex circumstantiis & occasione rei natum.

§. XVII.

Dialogus est sermo seu disputatio duorum vel plurium interrogatione & inutua responsione constans.

§. XVIII.

Satyra carmen dicitur varium atque mixtum, hominum vitia liberius perstringens, in eaque invehens.

§. XIX.

Apodixin seu demonstrationem supra iam (§. 4.) definiuimus, quod sit ordo seu concatenatio conclusionum cum principiis.

§. XX.

Constitutis (§. 12-19.) eorum, quibus maxime philosophiam traditam fuisse diximus, (§. 11.) modorum definitionibus, qua nam ratione & a quibus applicati fuerint, ipsi iam dispiciemus.

§. XXI.

Hominum antiquissimos, qui Patriarcharum nomine clari sunt, aditu philosophiae cum non vires, sed vitae rationes simpliciter susceptae *m*) prohiberent, quicquid doctrinae erat, vel historico vel parænetico modo (§. 12.) suis tradiderunt.

§. XXII.

m) Quid de Patriarcharum philosophia statuendum sit, summe Rev. D. BVDDEVS vberime exposuit in Hist. Ecol. V. T. p. 402. in Introd. ad hist. philos. Ebr. §. 1. not. p. 1. seqq. itemque Clar. HEVMANNVS in Actis philos. P. V. n. 1. p. 756. seqq. & quos ibidem laudatos conspicias, Viri celeberrimi, THOMASIVS, GVNDLINGIVS atque BAILIVS. quibus tamen omnibus iungendus est IOH. BRAVNIVS exercit. I. de Sapientia veterum Ebræorum in Sel. Sacr. p. 542. seqq.

§. XXII.

Enimuero narrabant posteris egregia veri ac summi DEI facta, quæ vel viderunt ipsi, vel ab iis acceperunt, quos *αὐτόπτες* reñicere nequiverunt. Quo igitur summum Numen hoc rite sui colerent, & quæ ad æternam veramque felicitatem faciunt, diligenter quærerent, virtutis præcepta indefesso studio inculcarunt. Adparet id ex testimonio, quod ipse Deus de Abrahamo tulit Gen. XVIII, 19.

§. XXIII.

Eandem sapientiæ dogmata tradendi methodum posteriores quoque Iudæorum sapientes conseruarunt. Ita *n*) Moses, *o*) David, *p*) Salomon, Autor libri sapientiæ, qui *q*) Philo creditur, *r*) Syracidesque abunde satis hoc testantur. Ipse Christus, discipulique eius hac ipsa methodo quandoque vsi sunt.

§. XXIV.

Sed & apud alios, qui philosophi celebrantur,
B 2 eadem

n) Deuter. I. II. III. IV. V. VI. & XXIX.

o) Ps. II, 10. II. 12. XXXII, II. XXXIV, 14. 15. XXXVII, 1-9. 27. 34. 37. LV, 23. LXVIII, 35. LXXV, 5. seqq. LXXVIII. CV. CVI. CVII. &c.

p) In Prouerbiis, & Eccles. passim.

q) Isque senior, qui a iuniori sollicite distinguendus est, quamquam nec eorum desunt, qui iunioris seu Alexandrini foetum esse asserunt. Vid. quæ in vtramque rem prolixè ac erudite disseruit S. R. BVDDEVS l. c. §. 18. not. n. p. 77. seqq. add. quæ BASNAGIVS de re hac disputat in *Histoire des iuifs*.

r) Conferenda sunt de hoc quæ HVETIVS protulit in *Demonstr. Euang.* Prop. IV. p. 366. BVDDEVS l. c. §. 22. not. a. p. 100.

eadem obtinuit : spectant huc s) ISOCRATIS *παρανέσεις*,
t) EPICTETI *Enchiridion*, & ex Latinis varia u) SE-
NECÆ illius dicta : neque obsoleuit hodie, cum x) mo-
ralia imprimis scripta & y) politica methodo hac con-
fecta extent.

§. XXV.

Symbolicum docendi genus, vt & emblemati-
cum (§. 13.) hieroglyphicum & ænigmaticum (§. 14.)
ex eo videtur originem duxisse, quod omnium ferme
gentium Doctores doctrinam suam in exotericam & a-
croamaticam distinxerint. Illam omnibus singulisque tradi-

s) De Isocrate eiusque scriptis omnium instar conferri potest
celeb. FABRICIVS *Bibl. Græc.* L. II. C. 26. §. 5. p. 848. seqq.
add. HEDERICH. *Notit. Auct. ant. & med.* p. 182. sqq.

t) De ipso Epicteto & philosophica ipsius doctrina
videbis Excellent. D. STOLLII *Hebdenische Moral* p. 510.
sqq. & HEVMANNI *Diff. de philosophia Epicteti*, hab. Ian. 1703

u) Qui, vt supra iam (§. 12. not. h.) notauimus, paræneticam
præceptiuam nuncupat, quod, cum Stoicorum doctrinæ addictus
fuerit, non mirandum est, quippe qui philosophiam suam in
dogmaticam & paræneticam diuiserunt. vid. PASCHIVS l. c.
C. IV. §. 6. p. 372. & de Seneca in specie, quæ LIPSIVS de eo
habet in *Manud. ad philos. Stoic.* L. i. *Diff.* XVIII.

x) Huc imprimis refero, quæ BELLEGARDE scripsit, *Refle-
xions sur le ridicule & sur les moyens de l'eviter : la Politesse
des mœurs : l' Art de plaire dans la conversation &c.*

y) Inter alia generis huius scripta sese offert GRACIANI l'
homme de Cour, quem ex Hispanica in suam linguam transtu-
lit AMELOT DE LA HOVSSAIE, in vernaculam vero D. AVG.
FRID. MULLERVS. ut omittam *les maximes de Mazarin*, das
endteckte Louvre, aliaque, quæ si necessitas postularet, adduci
possent.

tradiderunt, hanc iis tantum instillarunt, quos dignos atque aptos iudicarunt, qui recipiant, adeoque, ne cæteris eorum mens constaret, animi sui sensa & philosophiam quasi sub alienis vestimentis occulerunt.

§. XXVI.

Igitur, quod symbolicum, (§. 13.) attinet, & emblematicum, ipse z) Deus imaginibus, figuris, symbolisque usus in Scriptura Sacra dicitur. aa) Prophetæ per signa res futuras sæpe prædicebant, sapientissimi-que Iudæos inter saluberrima præcepta quæque sub iisdem proponebant.

§. XXVII.

Inter alias quoque gentes tradendi doctrinam rationem hanc fuisse usitatam, symbola bb) PYTHAGORÆ & cc) CEBETIS tabula nos neutiquam dubitare sinunt

B 3

nunt

z) Ita rubus ardens Exod. III, 2. serpens æneus Num. XXI, 8. Iosephi Gen. XXXVII, 28. atque Ionæ C. II, 1. fata in exemplum adduci possunt. Neque tamen in eorum castra transeundum est, qui, ut vim Scripturæ S. inferant, emblematum & symbolorum auctorem ipsum Moysen constituunt, & cum SPINOSA, BECKERO, BEVERLANDO BVRNETOQVE existimant, omnia, quæ de protoplastorum lapsu Diuinus scriptor tradidit, figurate & symbolice accipienda esse. vid. tract. qui sub titulo prodiit contra BVRNETVM *Moses vindicatus* Amstel. 1694. 12.

aa) Ut ex multis pauca addam, exemplo dicta sint Es. I, 3. Ier. XIII, 10. sqq. XIX, 1. sqq. XXVIII, 2. 10. &c. Ezechielis Prophetiæ, Hos. I, 2. &c.

bb) De quibus videri potest Dominus STOLLIVS in der Historie der Heydnischen Moral p. 217. sqq.

cc) Qui Philosophus Thebanus, Socratis auditor (DIOG. LAERT. L. II. Segm. 125. p. m. 152. STANLEIVS HIST. philos. P. III, C. II. p. 229.) ab aliis Cebetibus probe distinguendus (vid.

nunt. Quibus iungere possumus HERCVLEM *dd)* PRODICI, cuius mentio apud *ee)* XENOPHONTEM fit, aliosque, de quibus conferri possunt, qui ex instituto de hac re scripserunt.

§. XXVIII.

Magis est, quod de signis hieroglyphicis (§. 14.) quæramus. Eorum maxime inter *ff)* Ægyptios frequens vsus erat, qui, quicquid moralis & politicæ scientiæ habuerunt, alienis, tam rerum creatarum, quam morum rituumque gentium, integumentis inuoluerunt.

§. XXIX.

MENAGIVS *not.* ad l. c. Diog. Laert. p. 129.) in Πινάκι seu tabula varias vitæ hominum conditiones proponit, virtutes ac vitia sub fœminarum schemate repræsentat, sub geniique persona verariam ostendit. *vid.* PASCH. l. c. C. IV. §. 23, p. 421.

dd) PROTAGORÆ Artemionis siue Mæcandri filii PRODICVS hic discipulus fuit, qui ambo libros legendo quæstum sibi faciebant. *vid.* Diog. Laërt. L. IX. Segm. 50. p. m. 575. SVIDAS de eo sic : Πρόδικος, κείος, ἀπὸ κέω τῆς νήσῃ, πόλεως δὲ Ἰουλίδος. Φιλόσοφος, φυσικὸς καὶ σοφιστὴς. σύγχερονος Δημοκρίτῃ τῷ Ἀβδηρίτῃ, καὶ Γοργίῃ, μαθητῆς Πρωταγόρῃ τῷ Ἀβδηρίτῃ &c. *add.* quæ MENAGIVS affert in *not.* ad l. c. Diog. Laërt. p. m. 419.

ee) L. II. de dictis & factis Socratis ubi Herculis congressum cum voluptate & virtute PRODICVS finxisse dicitur, ita quidem, ut perceptis utriusque argumentis, a virtute persuasus, voluptatem spreuerit.

ff) In testimonium rei HERODOTVS vocari potest, qui *Græcos ab Ægyptiis suam Theologiam mythologicam mutuatos esse* tradit. *vid.* HVETIVS de origine fabularum Roman. p. 9. 10. *conf.* PASCHIVM l. c. C. IV. §. 26. p. 431. qui NICOLAI CAVSSINI librum de *symbolica Ægyptiorum Sapiencia* observatu dignum æstimavit.

§. XXIX.

Moses, qui eruditus omni sapientia Ægyptiorum dicitur Act. VII, 22. gg) procul dubio hieroglyphicorum hanc scientiam probe calluit. Nec sententia eorum vana est, qui hh) Cabbalam Iudæorum celebratissimam arti huic originem debere putant. Facile enim persuadere mihi possum, qui per tot tantosque annos inter Ægyptios versati sunt, ut mores alios, sic doctrinam suam tradendi methodum, Iudæos assumfisse.

§. XXX.

gg) Vid. de hoc loco, quem BVDDEVS citat introd. ad hist. philos. Ebræor. §. II, not. I. p. 38. IOH. PRIDEAVX operum Theol. p. 441. seqq. adde ipsiusmet BVDDEI H. E. V. T. Per. I. Sect. III. §. 24. p. 458. Neque tamen extendenda hæc eo usque sunt, ut cum SPENCERO credas *de Legibus Ebræorum ritualibus* sua instituta ex Ægyptiorum ritibus ad Iudæos transtulisse Mosens, Ebræorum ducem. Confutauit hanc sententiam HERM. WITSIUS in *Ægyptiacis*. Multo minus eorum opinio probanda est, qui, ut omnem fidem sacris litteris denegent, in id intendunt, ut cum Ægyptiis Iudæorum gentem misceant. Itaque reiiciendus TOLANDVS est, qui TACITVM secutus Hist. L. 5. C. 2. DIODOR. SICVL. Bibl. Hist. L. I. C. 28. & STRABONEM maxime Geograph. L. 16. p. m. 721. pro Ægyptiis Iudæos vendidit in *originibus Iudaicis & Adæisidamone*. Iugulauit vero illum IACOB. FAYVS in *defensione religionis nec non Mosi & gentis Iudaicæ* & BVDDEVS in Programmate ad celeberr. DANZII Lexiones cursorias atque disputationem inauguralem de *antiquitate Baptismi initiationis Israelitarum*. Quæ de Mose dici adhuc possunt, SERPILIVS congescit in *den Leben Biblischer Scribenten* P. I. tot.

hh) De Cabbalæ origine eiusque significatione inter doctos varie disputatum est. Iudæorum gens ipsum Deum ipsius autorem statuit. Ex Christianis sunt, qui vniuersam œconomiam Dei offendisse in illa autumant. Pertinent vero huc, qui id præcipuè

§. XXX.

Neque tamen celebrata hæc frequentius apud Ægyptios (§. 28.) hieroglyphicorum ratio in patria & Iudæa (§. 29.) tantum substitit; manauit illa in alias quoque gentes late. Sic Scythis, Æthiopibus atque Græcis familiarem fuisse eam ii) alii euicerunt.

§. XXXI.

Differunt ab hieroglyphicis kk) ænigmata proponendi & repræsentandi modo (§. 14.) De his ergo in specie obseruandum, ll) frequentiorem eorum in sapientia sua tradenda fuisse inter gentes usum. Ipse Salomon

contenderunt, PICVS MIRANDVL. REICHLINVS, MORVS, KNORR à ROSENROTH; alique, quos nominare supersedeo. Neque moramur tamen HARDTII sententiam, quam sub celebrissimi Abbatis SCHMIDII præsidio SCHRADERVS defensam iuit. in diss. *Oratio Dominica historice & dogmatice proposita*. Sed, cui & suum calculum ipse BVDDEVS adiecit in Diss. Theol. de *moderamine inculpatæ tutelæ* introd. ad hist. phil. Ebræorum adiecta §. 12. not. X. p. 321. BASNAGIVM in rem citamus *Histoire des iuifs. T. II. L. 3. C. 16. seqq. p. 856. seqq.*

ii) PASCHIVS l. c. C. IV. §. 26. p. 432. 433. HVETIVS de origine fabularum Rom. passim.

kk) Quæ Sirpos vel Scirpos veteres appellasse, GELLIVS indicat L. XII. C. 6. AVGVSTINVS L. XV. de Trinit. C. 9. obscuram allegoriam ænigma nominat, quæ & QVINTILIANO dicitur L. VIII. C. 9. Vnde factum, vt paulo obscurius quæque dicta alia vel scripta ænigmata appellarentur. Ita CICERO L. VII. ad Att. Ep. 13. *Ænigma oppiorum de re lia non intellexi: Est enim numero Platonis obscurius & IVVENALIS sat. 8. v. 50. vt iuris nodos, & Legum Ænigmata soluat*. Pertinent huc, quæ de fidelium cognitione in hac vita PAVLVVS habet I. Cor. XIII, 12.

ll) Ipsas ænigmaticas Epistolas CICERO conscripsit, quas MORHOFFIVS narrat in libello *de Epistolis conscribendis* p. m. 302.

mon per ænigmata tradidisse doctrinam suam dicitur I. Reg. V, 12. (IV, 32.)

§. XXXII.

De Arabibus id sacræ nobis paginæ ipsæ asserunt I. Reg. X, 1. vbi quæ ex Arabia Hierosolymam Regina venerit, per ænigmata tentasse Salomonem dicitur. Immo ipse integer IOBI liber, quem in Arabia habitasse *mm*) SPANHEMIVS fecit verisimile, suam sapientiam ænigmatibus iam pridem Arabiæ incolas inuoluisse abunde satis monstrat.

§. XXXIII.

Idem de Indorum philosophis, Brachmanibus & Gymnosophistis, *nn*) DIOGENES LAERTIVS refert, quod *oo*) ii scilicet suam philosophiam per ænigmata tradere soliti fuissent.

§. XXXIV.

Cum de Brachmanibus Indorum mentio semel facta sit (§. 33.) licebit *ὡς ἐν παρώδῳ* de iis adhuc aliquid
C notare

Duo apud VIRGILIVM ænigmata offenduntur in *ecloga* III. Pælam. p. m. 8. Quid? quod inter pocula veteres ænigmata proponebant, hinc POLLVCI L. VI. C. 19. *κυλίκεια ζητήματα* vocantur.

mm) In *miscellaneorum ad sacram antiquitatem & Ecclesiæ historiam pertinentium* L. I. qui est de antiquitate & obscuris historiæ Iobi operum T. II. C. IV. p. 27. seqq.

nn) Proœm. de vitis philos. segm. 6. p. m. 5. vbi: *τὰς μὲν γυμνοσοφίστας καὶ Δεϋίδας ἀνιγματοδῶς ἀποφθεγγομένους φιλοσοφῆσαι* (Φασι) adde, quæ de hac materia HVETIVS annotavit loco sæpius citato, de origine fabularum Romanensium p. 19. 20. & MENAGIVS in notis ad Diogenis dicta modo allegata p. m. 6. 7.

oo) De Brachmanibus in specie integram Dissertationem scripsit A. FABRICIVS 1708. BAILIVS peculiari titulo mentionem

notare. Erat singulare illud Brachmanum seu Gymnosophistarum apud Indos, ut, quamprimum de prægnanti vxore constaret illis, eam accederent, & quæ apta visa sunt, præcepta illi darent. Itaque mulier, dum non inuita audiebat, sed passa est, à sapienti erudiri, non modo de nascituro bene sperarunt, sed, quam primum doctrinæ capax fuit, tradiderunt, qui pro ætatis ratione iuuenem docerent.

§. XXXV.

Fabularum cur sit inuentum genus, pp) PHÆDRVS ipse docet. Frequens earum vsus apud gentes erat, quibus doctrinam suam ad alios propagarent. Amantissimi illarum Ægyptii, Arabes atque Persæ extiterunt,

eorum iniicit in Dictionaire Hist. & Critique. Eorum vero doctrinas philosophicas BERNIER proposuit in *continuatione de ses memoires sur l' Empire du grand Mogol*.

pp) L. III. fab. prolog. p. m. 45. idem L. II. prol. p. m. 33. vbi:

*Nec aliud quicquam per fabellas queritur,
Quam corrigatur error ut mortalium,
Acuatque sese diligens industria.*

Hinc PLVTARCHVS τὸ τῶν ποιητῶν μυθῶδες, inquit, ἔκ αἰφύλοσφόν ἐστιν. Et profecto ineptiis fabularum hisce sua inest gratia, quippe, qui illas fingunt, medicorum morem imitantur, de quo LVCRETIVS canit L. I.

*- - - veluti pueris absinthia tetra medentes,
Cum dare conantur, prius oras pocula circa;
Contingunt mellis dulci flauoque liquore,
Ut puerorum ætas improuida ludificetur,
Labrorum tenuis: interea perpotet amarum,
Absinthi laticem; deceptaque non capiatur,
Sed potius tali factō recreata valescat.*

LYSIPPVM, qui in collocandis septem sapientum Græciæ statuīs

runt, à quibus in alias quoque terras transferunt.

§. XXXVI.

Græcorum mythologicam docendi rationem ab Ægyptiis profectam esse supra iam (§. 28. n. ff.) notauimus, vbi cum de hieroglyphicis quidem sermo sit, hic de fabulis dicatur, tamen non est, cur possimus contradictionis rei dici. Possunt enim vnius rei plures causæ esse. Atque vero hieroglyphicis Ægyptios induxisse, iisque aliis gentibus, vt arcanæ doctrinæ studerent, ansam præbuisse (§. 28. 29.) demonstrauius. Nunc an fabulas quoque adamauerint, quæstio instituitur.

§. XXXVII.

Adamasse vero illas plus, quam par est, qq) PASCIVS ostendit HVETIVSQUE, quos, ne in tam clara re longius versemur, omnino in testimonium vocamus.

C 2

§. XXXVIII.

ordine primam ÆSOPI esse voluit AGATHIAS laudat L. IV. Antholog. græc. Epigram. cuius verba CONRADVS RITTERSHVSIUS ita transtulit :

*Laudo te, Lysippe, senex, sicyonie sculptor,
Æsopi effigiem quod statuis samii,
Ante sophos septem, quibus omnia tradita duris
Legibus, in verbis suadaque nulla fuit.
Ast hic fabellis figmentisque omnia condit,
Per ludum suadens corda hominum vt sapiant.
Aspera præcepta auersamur. Fabula dulcis
Esca instar monitis additur à samio.*

De primo philosophicarum fabularum autore confer ea, quæ HEVMANNVS protulit in Actis philos. P. VI. obs. 2. §. 2. p. 947. seqq.

qq) L. c. C. II. §. 19. p. 137. seqq.

§. XXXVIII.

rr) HOMERVS, qui diu in Ægypto commoratus fuit, vel suo exemplo comprobatur, ex terra hac in Græciam fabulas migrasse. Ipse in figmentis suis ss) clarissima virtutis exempla & præcepta sistit.

§. XXXIX.

Ex Arabibus illustris ille tt) LOCMANNVS est, quem Iobi ex sorore natum, & quidem ipsi aliqui uu) ÆSOPVM fuisse perhibent. Immo, HUETIO notante, *apud eos est quædam familia philosophorum, qui, ut clariora proponant dogmata, ea se sub parabolis simplicibus familiaribus & ad populi captum accommodatis explicaturos esse profitentur.*

§. XL.

rr) De HOMERO ipso, persona atque vita putavi consulendos DV PIN in *Bibliothèque universelle des Historiens*: CLERICVM *Biblioth. Choïf. Tom. XXII. p. 244.* BOSSVET in *Discours sur l'histoire universelle T. I. p. 28.*

ss) Quod, qui ipsius scripta cum attentione legerit, facile quivis deprehendet. Conf. tamen *Essais de MICHEL de MONTAIGNE p. m. 558.* Vtrum vero LIPSIVS modum in HOMERO extollendo excefferit, alii sentiant. Ita enim ille *Cent. I. Epist. ad Belgas Ep. 87. p. 129.* exclamât:

O Apex ingeniorum, o fastigium & culmen scientiæ, prudentiæ, sapientiæ, quo pertingere homini quidem datur! Nos ita censemus: Nihil oritur alias, nil ortum tale fatentes.

tt) Vid. quæ de LOCMANNO hoc prolixè differit HVETIVS de orig. fab. Rom. p. 11. seqq. 15. 19. 20. add. STOLLIVS in *der Historie der Hebräïschen Moral* p. 66. seqq.

uu) Ipse hoc sentit HVETIVS l. c. p. 11. HOTTINGERVS in *Hist. orient. L. I. C. 3.* contrarium vero adstruit STOLLIVS l. c.

§. XL.

Perfarum Doctores philosophica præcepta sua per fabulas tradidisse STRABO Autor est, idque vel ex iis, quæ de eorum xx) ZOROASTRE dicuntur, patet.

§. XLI.

Romani quemadmodum bonarum literarum studia à Græcis acceperunt, ita & fabularum artem ab iisdem mutuati sunt. Non enim tantum fœcunda apud eos mythologicorum scriptorum seges est, sed & fabularum vsus in tradenda doctrina sua percrebuit. Ita, quæ yy) Æsopi nomine fabulæ celebrantur, PHAEDRVS, quem supra iam nominauimus, eas poliuuit versibus senariis.

§. XLII.

Quam impense Iudæorum natio fabulis studeret,
C 3 Rab-

xx) De Perfarum ZOROASTRE vid. DIOG. LAERT. l. c. Proœm. segm. 2. p. 3. & MENAGIVS ad h. l. not. p. m. 5. vbi plures ZOROASTRAS fuisse notauit vir doctissimus. add. LAERT. segm. 8. Proœm. p. 6. & ALDOBRANDINI atque MER. CASSAVBONI not. ad h. l. ibid. conf. etiam FABRICII Bibl. Cr. L. I. C. 36. §. 1. p. 23. Præterea lectu digna sunt, quæ BAILIVS de Zoroastre habet in Dictionaire Hist. Crit. itemque THOM. HYDEN in tr. de religione Perfarum, in quo eleg. libello de ipforum Perfarum philosophia, quam religionem appellare placuit, tractatum est.

yy) Philosophus Phryx fuisse dicitur, secundum illud Phædri L. 3. 50. p. m. 46. *si Phryx Æsopus potuit Anacharsis scythæ &c.* à vultus colore, vt volunt, ita appellatus, ταυτόν γὰρ ὁ αἰσώπος τῷ αἰθίοπι. Alii vero Æsopi appellatiuum nomen magis, ac proprium fuisse, malunt. Egregia certe sunt, quæ HEVMANNVS in hanc rem differit in Actis philos. P. VI. Obs. 2. §. 17. p. 967. Id certum est, neque fabularum autorem primum Æsopum esse, neque eas, quæ sua nomine celebrantur, originem ab

Rabbinorum Talmudica figmenta abunde satis indicant.

§. XLIII.

Adagiorum & quæ prope iis veniunt, vsus apoph-
tegmatum (§. 16.) 22) Iudæis haud infrequens, Græco-
rum philosophis, eosque inter præsertim illis, qui *aaa*)
septem philosophorum nomine insigniri solent, familia-
ris fuit.

§. XLIV.

Eandem methodum & aliarum gentium Doctores
adhibuerunt. Ita Sinensium *bbb*) sapientissimus CON-
FUCIVS iis vsus est: ita *ccc*) Germanos maxime semper
delectari iis constat.

§. XLV.

illo omnes, accepisse quod vtrumque QVINTILIANVS testatur
L. V. C. II. & L. II. C. II. conf. FABRICIVM Bibl. Gr. L. II. C.
8. p. 381.

22) Rei vestigia inuenimus, 1. Sam. XIX, 24. de quo adagio con-
ferri potest SCHMIDTII Diff. Quid Saul inter prophetas? it. C.
XXIV, 14. vbi: *וַיִּשְׁעֵם יִצְחָק וַיִּשְׁעֵם* cui Græcorum tritum illud
respondet: *καὶ ὁ κύριος καὶ ὁ κύριος*.

aaa) De septem Græciæ sapientibus conferri philosophicæ hi-
storix scriptores possunt, DIOG. LAERTIVS, L. I. segm. 22. sqq.
p. 14. &c. STANLEIVS P. I. Hist. phil. C. I. p. I. seqq. STOLLI-
VS in der Historie der Heidenischen Moral.

bbb) Sinenses Logica quidem, Metaphysica & Mathesi à nobis,
tamen nos morum elegantia & morali doctrina ab iis vinci, G. G.
LEIBNITIVS demonstravit in præf. ad Nouissima Sinica. Refra-
gatur illi S. EVREMOND in operibus suis T. V. p. 69. à BARBEY-
RACIO refutatus. Quæ vero lites inter IESVITAS & DOMINI-
CANI ordinis confessores ob cultum Confucio in Sinensium im-
perio dato intercefferint, ex conspiciuntur in S. R. BVDDEI
Diff. x. Analect. philos. de superstitioso apud Chineses cultu.

ccc) Congessit earum quædam celeb. HERTIVS in tr. de Paræ-
miis, neque pauca insperit Thesauro suo practico BESOLDVS.

§. XLV.

Sunt etiam *ddd*) publicata hodie multorum scripta, adagiorum & apophtegmatum refertissima, quæ omnia si inter se connexa essent, insignem procul dubio usum præberent.

§. XLVI.

At nullus inter sapientiæ antistites docendi modus tam inclaruit, quam qui per Dialogos (§. 17.) fiebat. Arabibus vsitatum fuisse ex Iobi libro (§. 32.) eumque inter Iudæos obtinuisse, ex ipsius CHRISTI & APOSTOLORVM exemplo patet.

§ XLVII.

Ex Græcis in hac arte præter *eee*) LVCIANVM *fff*) SOCRATES ille magnus imprimis obtinet, eumque qui secuti sunt, XENOPHON, ÆSCHINES, CRITO, SIMON, CLAVCO, SIMMIAS, ARISTIPPVS, ipseque PLATO.

§. XLVIII.

Græcos CICERO imitatus est, qui de variis argumentis varios Dialogos conscripsit.

§. XLIX.

ddd) Refero huc potissimum scripta in ANA definentia, eaque, quæ PASCHIVS notauit l. c. C. IV. §. 14. p. 394. sqq.

eee) Conf. de eo FABRICII Bibl. Gr. L. IV. p. 403. Quid sentiendum de Dialogis ipsius sit, Excell. STOLLIVS ostendit in præf. Luciani Hermotimo a clarissimo D. M. KROMAYERO in vernaculam translato præmissa.

fff) Quæ de SOCRATE dici possunt congescit ex DIOG. LAERTIO, STANLEIO atque XENOPHONTE CHARPENTIOR dans la vie de Socrate, quam & in nostram linguam transtulit ILL. THOMASIUS.

§. XLIX.

Ex Patribus *ggg*) IVSTINVS MARTYR, ORIGENES, GREGORIVS vterque, MINVTIVS FELIX aliique ob hanc artem extolluntur: Ex recentioribus vero ERASMVS, FONTANELIVS, PERRALTIVS, & ex Germanis TENZELIVS, ILL. THOMASIVS, Autoresque der Gespräche im Reich der Todten, und der Gespräche im Reich der Weltweisen clari sunt.

§. L.

Tandem ad satyras (§. 18.) peruenimus, quorum imprimis duplex genus est, vnum, quod ligato, alterum, quod soluto sermone absoluitur.

§. LI.

Quemadmodum ex *bbb*) Græcorum sapientibus in satyris SOCRATEM extollunt, HERACLITVM & DEMOCRITVM, ita in vtroque genere viros sese ROMANI præstiterunt, & inter Poëtas quidem maxime *iii*) HORATIVS, PERSIVS atque IUVVENALIS, reliquos vero inter SENECA & PETRONIVS.

§. LII.

Nostri temporibus inter Gallos maxime & Germanos hæc veritatem proponendi methodus reconualuit. Atque quod Gallos attinet, propterea laudandi veniunt

ggg) De vitis atque scriptis Patrum &, quos nominavimus, eorum maxime consuli possunt CAVÆVS, ITTIGIVS & DUPIN in peculiaribus tractatibus, quos de hac re ediderunt.

bbb) De Satyrica Græcorum Poësi & Romanorum satyra integrum libellum scripsit ISAAC. CASSAVBONVS vid. MORHOFF. Polyhist. T. I. L. I. C. I. §. 11.

iii) Conferas velim de his satiricisque aliis, quæ PASCHIVS habet loco sæpius cit. C. III, §. 8. seqq. p. 243. &c.

unt *kkk*) NICOL. BOILEAU, & qui eum præcesserat *lll*) REGNIER, itemque *mmm*) MOLLIERE.

§. LIH.

Agmen inter *nnn*) Germanos ducunt LIPSIVS, SCHVPPIVS, & quem primum debuissim nominare, celeb. THOMASIVS, vt omittam, quæ HOFFMANNSWALDAV & ABELIVS, & in alia gente BARCLAVS hanc in rem scripserunt.

§. LIV.

Denique si qui ex philosophis apodixin seu demonstrationem in docendo adhibuerint, velimus circumspicere, primum *ooo*) ARISTOTELEM offendemus, qui concinno ordine sua dogmata proposuit.

D

§. LV.

kkk) Vitam clarissimi viri edidit MEZERAY. conf. ACTA ERV-DIT. LIPS. Anno 1713. p. 55. sqq. opera eius denuo Amstel. prodierunt in IV. Tom. 8vo.

lll) Vid. BAILLETI iugements P. IV. p. 1. 7. sqq.

mmm) De hoc vid. l'histoire de la vie de Moliere par GRIMARET edit. & in *vernaculam* transl. August. vindel. 1711. 8. De Comœdiis eius in specie & ipsius satyris conf. RAPIN reflexions p. m. 199. 200. 201. Recte, ut mihi videtur quidem, de eo a multis iudicatum est: *qu'il a corrigé plus de défauts à la cour, & à la ville luy seul, que tous les predicateurs ensemble.*

nnn) Quorum scripta huc pertinentia omnium cum in manibus versentur, non est, quod in eorum recensione atque narratione detineamur. vid. quæ celeb. STOLLIVS attulit in der Historie der Gelahrtheit C. V. von der Poesie.

ooo) Vnde primus methodi magister, moralisque & naturalis scientiæ doctor appellatus est. vid. PASCH. l. c. C. VI. §. 4. p. 475. EIVSQUE introduct. in rem litter. moralem veterum C. II. §. 5. p. 580. de eius vita vid. DIOG. LAERT. L. V. p. m. 268. STANLEIVS l. c. P. V. C. I. sqq. p. 410.

§ LV.

Secuti *ppp*) philosophiam ipsius quam plures sunt, neglecto tamen præceptoris rigore demonstrandi. Quidam *qqq*) spreta illa hunc retinuerunt: *rrr*) Alii vero & *sss*) recentiores maxime, vtraque proscripta parte, ingenio indulgentes, liberiori demonstrandi genere vsi sunt.

§. LVI.

Quid de omnibus, quos hætenus narrauimus, docendi philosophiam modis censendum, & quidnam imprimis

ppp) Conf. LAVNOY de varia Aristotelis fortuna in Academia Parisiensi & HERM. AB ELSWICH tr. de fortuna Aristotelis in scholis Protestantium.

qqq) Illustre exemplum in metaphysicis habemus, in quibus quidem tradendis ab Aristotelis mente scholastici recesserunt (vid. RAPIN compar. de Plat. & Aristot. IAC. THOMASII Hist. Methaph.) syllogistica & demonstratiua tamen methodo Aristotelis retenta.

rrr) Huc STOICIS exceptis (de quorum philosophia præter DIOG. LAERTIVM L. VII. segm. 1. sqq. p. 366. &c. STANLEYM P. VII. C. I. sqq. p. 544. &c. impr. p. 554. sqq. conferri potest, qui ex instituto rem tractauit LIPSIVS) refero cæterarum fere omnium sectarum defensores, & inter illos EPICVRVM maxime, cuius philosophiam ex veteribus GASSENDVS collegit in syntagmate de philosophia Epicuri, quod in operibus extat T. III. n. 1. p. 3-94. Lugdun. 1658. edit. fol. Ipsius Epicuri vitam narrat idem GASSENDVS operum T. V. p. 179-236. adde, quæ lectu digna de Epicuro disputat ILL. THOMAS. in Monatlichen Gesprächen P. II. mese Iulio p. 114. sqq.

sss) Primus procul dubio inter hos CARTESIVS est, qui, quum nouum philosophiæ systema meditaretur, neque tamen causæ bonitati fideret, in omnibus, ne ad lydium, vt vocant, lapi-

primis de posteriori methodo apodictica (§. 54.) statuendum sit, tum demum poterimus recte iudicare, si de methodo mathematica prius dictum fuerit. Quare ad secundam dissertationis nostræ partem, (§. 10.) alacri mente nos accingimus.

Sectio II.

De

NATVRA ET INDOLE METHODI MATHEMATICÆ.

§. LVII.

Cum methodus in genere ordo sit, dogmata sua proponendi & communicandi aliis (§. 8.) per methodum mathematicam (§. 9.) eundem, quem in scientia mathematica (§. 6.) tractanda Doctores ordinem servarunt, intelligimus.

§. LVIII.

Est vero ipsius ea ratio, ut positis rite rerum definitionibus, axiomata primum atque postulata constituentur, porro theoremata & problemata formentur, corollaria denique atque scholia, si res postulat, inspergantur.

§. LIX.

Quorum omnium *ttt*) naturam atque indolem ut

D 2

accu-

dem rigoroſe ſua dogmata probentur, ſyllogiſticam demonſtrandi methodum proſcribere tentavit.

ttt) De methodo mathematica elementis ſuis mathematicis Commentationem præmiſit Illuſtris ipſe WOLFFIUS, quem ſufficeret allegaſſe. Tamen, quod inſtituti ratio poſtulat, ex ipſi-

accuratius liceat inspicere, præmittenda sunt, quæ lucem affundere nobis possunt.

§. LX.

Omniū primi circa verum & falsum principii loco ponimus: Impossibile est idem simul esse & non esse. Hæc propositio vocatur principium *uuu*) contradictionis.

§. LXI.

Contradictio est eiusdem rei simultanea affirmatio vel negatio.

§. LXII.

Igitur ad contradictionem veram requiritur, ut sub iisdem circumstantiis res constituta sit, de qua aliquid affirmetur vel negetur, (§. 61.) non vero sub diuersis.

§. LXIII.

Possibile dicitur, quod nullam contradictionem inuoluit, impossibile, quod inuoluit eam.

§. LXIV.

us celeberrimi viri Logica atque Methaphysica, eius pace, rem ulterius explicare, & illustrare eam pro virili in hac Dissertatione nostra ausi sumus.

uuu) Idem appellatur principium identitatis, quod omnium generalissimum eiusque vniuersalitatis est, ut ipsa Scepticorum gens inficiari illud nequeat. Si enim nihil verum esse aiunt, illud ipsum tamen, nihil verum est, vi principii huius, verum esse debet, quod fatetur ipse SEXTVS EMPIRICVS L. II. hypotypos. C. 9. p. m. 86. (ex edit. Lips. FABRICII fol.) conf. quæ DE LA MOTHE LE VAYER habet in *cinq Dialogues faits à l'imitation des anciens* Dial. I. de la philosophie sceptique. Magis ad institutum facit, quod obseruemus, veteres Mathematicos in demonstrandis suis thesibus hoc ipso principio identitatis usos maxime fuisse. Rei exempla vid. in elementis EVCLIDEIS L. I. p. 6. 8. 12. (ex edit. Oxon. fol.) &c.

§. LXIV.

Ens dicitur, quicquid vel reuera est, vel esse sal-
tim potest.

§. LXV.

Totum aliquid vocatur, si plura entia coniunctim
sumta vnum constituunt. Hæc plura partes appellantur.

§. LXVI.

Totum igitur parte maius est (§. 65.)

§. LXVII.

Nihilum seu non ens dicitur, quod neque est, ne-
que possibile est.

§. LXVIII.

Ex nihilo nihil fit. (§. 67. 60.)

§. LXIX.

Causa est, quicquid continet rationem existentiae
alterius; Causatum vero, quod rationem existentiae in
altero habet.

§. LXX.

Ratio est id, quod continetur in causa, & ex quo
causatum potest concipi.

§. LXXI.

Principium conuenientiae xxx) summo LEIBNITIO
dicitur: Nihil fit sine ratione sufficiente, cur potius sit,
quam non sit.

§. LXXII.

Essentia est, quod continet rationem eorum omni-
um, quæ rei alicui conueniunt, vel conuenire possunt.

§. LXXIII.

Essentia itaque causa eorum est, quæ rei compe-
runt (§. 73. 69.)

D 3

§. LXXIV.

xxx) Quem secutus celeberr. WOLFFIUS est in methaphys. C.
H. §. 30. 31. p. 13. 14. vbi principium hoc accuratius demonstratum
iuit vir Illustris.

§. LXXIV.

Attributum est, quod vnicam & immediatam rationem habet in essentia.

§. LXXV.

Igitur attributa separari ab essentia non possunt, neque vnius rei attributa alteri communicari. (§. 74.)

§. LXXVI.

Extra se sunt res à se inuicem diuersæ, adeoque extra nos posita ea omnia, quæ à nobis diuersa sunt.

§. LXXVII.

Conscius rei appellatur, cuius in potestate est, eam ab aliis discernere.

§. LXXVIII.

Anima est ens sibi repræsentans vniuersum secundum situm corporis, quem illud in vniuerso occupat.

§. LXXIX.

Adeoque & suimet ipsius & aliarum rerum anima conscia est (§. 77. 78.)

§. LXXX.

Quæ mutationes in anima fiunt, corporis mutationibus respondere debent (§. 78.)

§. LXXXI.

Organum sensorium corporis membrum est, in quo mutationes ab externis rebus fiunt.

§. LXXXII.

Sensus vero animæ facultas dicitur, quæ eiusmodi mutationes repræsentat sibi.

§. LXXXIII.

Ergo sola anima, & tunc demum, sentire dici potest, si in corpore, quocum vnita est (§. 78.) certæ mutationes factæ fuerint, quas tamen præsentis ipse sensus immediate sequitur (§. 81. 82.) mutationi factæ in corpore conueniens. (§. 80.)

§. LXXXIV.

§. LXXXIV.

Cogitatio est mutatio animæ, cuius sibi conscia est anima.

§. LXXXV.

Perceptio autem est cogitatio de rebus præsentibus.

§. LXXXVI.

Perceptio partialis est, quæ versatur circa partem unam in composito: Totalis, quæ plures partiales involuit.

§. LXXXVII.

Clare dicimur percipere, quando de cogitationibus certo nobis constat, easque ab aliis distinguere possumus; obscure vero, quando neque de ipsa cogitatione certi sumus, neque ab aliis discernere valemus.

§. LXXXVIII.

Claritas perceptionum igitur ex animadversione distinctionis oritur, obscuritas autem ex absentia vel defectu eius. (§. 87.)

§. LXXXIX.

Somnium est confusio phaenomenorum.

§. XC.

Itaque, qui in somnio est, obscuras, non claras, perceptiones habet. (§. 88. 89. 60.)

§. XCI.

Distincta est perceptio, quando discrimen cogitationum nostrarum determinare, aliisque indicare possumus: confusa vero, quando, quæ cogitamus, non definire, adeoque petentibus ostendere valemus.

§. XCII.

Igitur perceptio partialis maiorem distinctionis gradum habet, ac totalis. (§. 86. 91. 65. 66.)

§. XCIII.

§. XCIII.

Adæquata denique perceptio ea dicitur, si notas, quæ discrimen constituunt inter cogitationes, clare etiam ac distincte percipere poterimus: inadæquata vero, vbi nequiuerimus id præstare.

§. XCIV.

Ex quibus (§. 87. 91. 93.) patet, quod diuersæ hæc à se inuicem ideæ non, nisi gradibus, differant, adeoque vbi clara finit, distincta incipit, hæcque desinit, vbi adæquata incipit.

§. XCV.

Idea est representatio cuiuscunque rei in cogitatione.

§. XCVI.

Quemadmodum ergo fons perceptionis sensus est, (§. 83. 84. 85.) ita ex perceptione primum idea oritur. (§. 95. 85.)

§. XCVII.

Atque, quod perceptiones ipsæ vel claræ sunt vel obscuræ (§. 87.) distinctæ vel confusæ (§. 91.) adæquatæ vel inadæquatæ, (§. 93.) ita idearum quoque hæc discrimina admittimus (§. 96.)

§. XCVIII.

Completa idea dicitur, quando, quæ discrimen rerum constituunt, notæ ad discernendas illas quocunque tempore sufficiunt. Huiusmodi idea definitio vocatur.

§. XCIX.

Definitio ideas claras & distinctas supponit. (§. 98. 87. 91. 97.)

§. C.

Quodlibet ens cum essentia sua & attributis gaudeat, quæ

quæ propria sibi sunt, neque enti alii conferri possunt, (§. 73. 74. 75.) sequitur, vt essentia & attributa rerum perpetuum discrimen constituere, adeoque ex iis certissimæ definitiones hauriri debeant (§. 98.)

§. CI.

Quæ ab essentia rei definitio desumitur, realis audit, nominalis altera, quæ ex attributis petitur.

§. CII.

Quod essentia causa eorum est, quæ rei competunt, (§. 73.) ex reali definitione, quæ ad rem pertinent, omnia deduci possunt (§. 101.)

§. CIII.

Tamen cum & attributorum ratio in essentia ipsa quærenda sit, (§. 74.) & ab illa separari nequeant, (§. 75.) etiam vt ex nominali definitione conclusiones queant deriuari ad rem spectantes necesse est. (§. 101.)

§. CIV.

Et, quia omne attributum eius conditionis est, vt alieno enti communicari nequeat, (§. 75.) perinde erit, quodnam eorum ad differentiam vnius rei ab altera (§. 100.) adeoque ad definitionem (§. 98.) nominalem (§. 101.) constituendam selegerimus.

§. CV.

Positis itaque in Matheseos doctrina vel nominalibus vel realibus definitionibus, prima demonstrationis suæ parte, (§. 58.) ad reliqua proceditur.

§. CVI.

Atque is procedendi modus est, vt ex distinctis ideis & completis, cuiusmodi ipsæ definitiones sunt, (§. 98. 99.) datis plures ideæ combinentur, quarum vna aliquid de altera vel asserit vel negat.

§. CVII.

Ipsa idearum combinatio propositio vocatur, quæ vel affirmatiua est vel negatiua. (§. 106.)

§. CVIII.

Iamvero duplici ratione ex definitionibus (§. 106.) propositiones (§. 107.) derivari possunt. Vel enim quid tribuendum vel denegandum rei sit, ostendunt; vel possibilitatem atque rem perficiendi modum indicant. Prioris generis propositiones theoreticæ, posterioris veræ practicæ dicuntur.

§. CIX.

Neque utriusque tamen generis propositiones ex definitionibus deducendi eadem ratio idemque modus est. Dantur, quæ vel ex vna tantum, vel ex duabus seu pluribus iisdem simul sumtis quæsitæ sunt.

§. CX.

Quæ ex vna saltem concluduntur propositiones theoreticæ, axiomata vocamus, quæ autem practicæ, eas postulatorum nomine insignimus.

§. CXI.

Igitur non anxie quærenda nobis præcepta sunt, ad quorum normam axiomatum inuentio debeat institui. Facillimo negotio res conficitur, si ideæ omnes, quas definitio includit, claræ & distinctæ nobis sunt & inter se conferuntur. (§. 110. §. 91. 106.)

§. CXII.

In ipsis vero axiomatibus demonstrandis negotium facessere non opus est. (§. III.)

§. CXIII.

Experientia est cognitio, quam acquirimus reflectendo super perceptiones & mutationes animæ nostræ.

§. CXIV.

§. CXIV.

Perceptionis fundamentum cum sensus sint, (§. 96.) mutationum autem animæ hæc ipsa, (§. 80. 73.) experientia vel externa est vel interna (§. 113.)

§. CXV.

Porro, quod res, quæ percipiuntur, animæ præfentes sunt (§. 96. 83.) mutationum suarum vero ea semper conscia sibi est, (§. 79.) sequitur, ut huiusmodi experientia nulla demonstratione egeat.

§. CXVI.

Quare fit, ut in Mathematicorum scriptis experientiæ sæpius in locum axiomaticum succedant: Id quod optimo iure fieri posse patet (§. 112. 115.)

§. CXVII.

Propositiones, quæ ex duabus vel pluribus definitionibus deducuntur (§. 109.) si sint theoreticæ, theoremata vocantur, si practicæ, problemata nobis audiunt.

§. CXVIII.

Quemadmodum axioma oritur ex vnius definitionis ideis inter se collatis (§. 111.) ita theorema fit, si non tantum, quæ in definitionibus continentur, omnes ideæ claræ & distinctæ sunt, sed si, quod vel ex experientia vel aliunde constat de definito, probe expenditur.

§. CXIX.

Itaque quod in theoremate causa cessat, quæ in axiomate obtinuit, cur non demonstrari debeat (§. 118. 112.) in illo omnino est demonstratio admittenda.

§. CXX.

Ergo etiam duobus membris vel partibus duabus theorema absoluitur. Eorum primum est ipsa propositio, quæ, quid conueniens rei sit vel minus,

pronuntiat (§. 108. 117.) alterum est demonstratio, (§. 119.) quæ nos certiores reddit, recte de re aliqua sentiri.

§. CXXI.

Problema (§. 117.) est propositio practica (§. 108.) ex duabus vel pluribus definitionibus inter se collatis orta (§. 109.) quæ, quid & qua ratione aliquid fieri cum re quadam possit, indicat & recte factum demonstrat.

§. CXXII.

Igitur Problema est trimembre : Primum quippe membrum ipsa propositio constituit : alterum resolutio, tertium denique demonstratio conficit (§. 121.)

§. CXXIII.

Cum problematis propositio ostendat, quid & quomodo agendum sit (§. 122. 121.) quidam effectus rei antea iam notus esse debet. (§. 68.)

§. CXXIV.

Quare, qui rem suam in problematibus resolvendis feliciter vult agere, de philosophia & mathematica cognitione rei alicuius sollicitus sit necesse est. (§. 123. 2. 3.)

§. CXXV.

Ipsam problema, quod in resolutione eius rem perficiendi datam modus traditur (§. 121.) hic vero, non nisi certis positis conditionibus, stare potest, (§. 124.) sine ullo negotio in theorema transmutari posse, clarum est (§. 108. 109. 118.)

§. CXXVI.

Corollarium (§. 58.) nobis dicitur a rebus vniuersalibus ad particularia facta applicatio.

§. CXXVII.

§. CXXVII.

Cuiusmodi licet ad demonstrationem ipsam parum faciat (§. 5.) tamen, quo maiori luci res reddatur, vel definitionibus, vel axiomatibus, vel theorematibus, vel denique problematibus subiicitur.

§. CXXVIII.

Scholia (§. 58.) reliquis propositionibus annexæ notæ sunt, in quibus rerum autor, inueniendi modus, ratio ordinis, præstantia doctrinæ, & quæ sunt reliqua, breuiter & concinne indicantur.

§. CXXIX.

Hæc quanquam & ipsa ad demonstrationem ipsam non pertineant, non tamen sine insigni aliqua utilitate adhibentur. Certiorem enim lectorem reddunt de inuentæ rei atque traditæ possibilitate, alacriorem vero ad studium in inquirenda veritate & inuenienda simili instituendum.

§. CXXX.

Quæ hæcenus dicta rite si quis perpenderit, facile perspiciet, definitiones methodi mathematicæ primum vnumque fundamentum esse (§. 106. 108.)

§. CXXXI.

Propositiones ipsæ, quæ ex definitionibus deriuantur, siue axiomata sint (§. 110.) siue theoremata (§. 118.) siue denique problemata, (§. 121.) experientia teste, ita inter se coordinantur, vt nulla earum prior admittatur, nisi ea, de cuius certitudine satis abunde constat.

§. CXXXII.

Igitur methodus mathematica apodixis est, vel demonstratio (§. 19. 131.)

§. CXXXIII.

Syllogismus est combinatio duarum propositionum cognitarum, ex quibus infertur tertia incognita.

§. CXXXIV.

Itaque Syllogismorum ope aliquid detegitur, quod antelatu it (§. 133.) adeoque medium inueniendi veritatem est.

§. CXXXV.

Atque, quod tertia, tanquam inuenienda, propositio ex prioribus duabus cognitis immediate sequitur (§. 133.) ipse Syllogismus pro demonstrandi methodo habetur. (§. 4. 19.)

§. CXXXVI.

Ergo *yyy*) syllogistica & mathematica docendi methodus non differt (§. 135. 132.)

§. CXXXVII.

Ipsa mathematica vero methodus medium inueniendi veritatem est. (§. 136 134.)

§. CXXXVIII.

Adeoque, quod supra (§. 8. not. f.) a posteriori declarauimus, meditandi & proponendi methodum vnam eandemque esse, iam a priori clarum est. (§. 134. 135.)

§. CXXXIX.

Itemque patet, ARISTOTELEM in dogmatibus suis proponendis meliorem viam, præ cæteris, iniuisse (§. 54. 135.)

§. CXL.

Denique quum nullus non fateatur, syllogismorum
vsum

yyy) Id quod variis exemplis illustrarunt & probatum dederunt, quos l.c. Illustr. WOLFFIVS citat, CLAVIVS, HERLINVS, DASSIPODIVS & HENISCHIVS.

usum in omnibus disciplinis pertractandis esse, idem de methodo mathematica asseratur necesse est; (§. 136.) Quod tamen ipsum in sequenti sectione vberius explicandum erit (§. 10.)

§. CXLI.

Interea id apparet, mathematicam demonstrandi rationem suum nomen ab eo sortitam esse, quod inter Mathematicorum cancellos hactenus inclusa fuerit, (§. 9.) minime inde vero, quod non nisi in mathematicis disciplinis applicari possit. (§. 140.)

§. CXLII.

Agedum! ad tertiam Dissertationis nostræ sectionem transeamus, &, quod promissimus (§. 10. 140. 141.) applicationem methodi nostræ ad reliquas disciplinas indicemus. Via strata est, semitaque parata. At vero! quæ vox, qui clamor aures vellit & admonet? Visne Atheorum gregem sequi, & vestigia eorum ingredi, quibus iam

- - - *patet atri ianua Ditis*

Reuoca quæso! gradum, neque ultra progredere! SPINOSA adest, Atheorum princeps, quem illa ipsa mathematica demonstrandi methodus seduxit. Sed Spinosismus ipse iam (zzz) detectus est!

§. CXLIII.

Amabo! mihi horror membra misero percipit dictis tuis? Quid mihi cum SPINOSA, quid cum iis, quos deglutit orcus, & fauces implet capaces. Ego neque illos sequar,

zzz) ab ingeniosissimo Dom. M. POPPO, qui non multum ante tempus libellum edidit s. tit. *Spinozismus detectus, oder von dem Unterscheid der mathematis. und philosophis. Lehr-Art.*

sequar, neque te vero audiam, sed sectabor veritatem. Heus ergo, mi bone! arrige aures tuas, Pamphyle, qui meas conturbasti! Videamus, quodnam virus lateat in methodo mathematica.

§. CXLIV.

Iudicium est repræsentatio nexus vel separationis duarum vel plurium idearum (§. 106. 107. 8. not. f.)

§. CXLV.

Igitur vel affirmativum vel negativum est (§. 144.) utrumque vero vel possibile vel impossibile (§. 63.) Illud verum dicitur, hoc falsum.

§. CXLVI.

Et quod omnia vel entia sunt vel non entia (§. 64. 67.) omne iudicium vel verum est vel falsum. (§. 145.)

§. CXLVII.

Qui a vero falsum potest discernere, & discrimen definire, claras atque distinctas ideas de vero & falso habet. (§. 97.)

§. CXLVIII.

Error est confusio iudiciorum verorum & falsorum.

§. CXLIX.

Qui ergo in errore constitutus est, nec de vero nec de falso claras & distinctas ideas habet, (§. 148. 147. 60.) sed obscuras & confusas (§. 97.)

§. CL.

Atheismus est error, quem quis circa definitionem summi entis fouet.

§. CLI.

Adeoque atheismus vitium intellectus est (§. 150. 148.)

§. CLII.

§. CLII.

Atheus vero in statu obscurarum & confusarum idearum versatur (§. 150. 149. 99.)

§. CLIII.

Qui de iudicii possibilitate non satis persuasus est, incertus est, & dubius adhuc hæret.

§. CLIV.

In dubio hærenti verum latet (§. 153. 145.) adeoque nec de veri differentiaque falsi constat.

§. CLV.

Dubius obscuris ideis & confusis inuolutus est (§. 154. 147.)

§. CLVI.

Itaque de suis placitis Atheus non certus est (§. 155. 152.)

§. CLVII.

Methodus mathematica cum ex definitionibus (§. 130.) clavis & distinctis (§. 106) originem suam ducat, (§. 108.) nec admittat, quod extra omnem dubitationis aleam non positum, adeoque certum sit (§. 131.) ipse Atheismus vero obscuris ideis nitatur & confusis (§. 152.) immo incertos defensores relinquat suos (§. 156.) sequitur, ut methodus mathematica Atheismo non solum non viam sternat, sed præcludat (§. 60.) Q. E. D.

§. CLVIII.

Et quid prolixiori demonstratione opus est? Supra iam (§. 137.) euictum dedimus, methodi mathematicæ

ope veritatem inueniri posse. Qui ergo, dic mihi Sodes! fieri potest, vt eadem in errorum Labyrinthum, qui Atheismus est (§. 150.) inducat? (§. 60.)

§. CLIX.

Quæ cum ita sint, quid impedit, quo minus rationem demonstrandi hanc etiam ad alias disciplinas applicari posse ostendamus. Sequitur ergo.

Sectio III.

De

APPLICATIONE METHODI MATHEMATICÆ AD DISCIPLINAS PHILOSOPHICAS.

§. CLX.

Non animus est, de Matheseos vsu in disciplinis disputare, quippe quod a (aaaa) viris maximis præstitum sciamus.

§. CLXI.

Ratio instituti nostri ea est, vt, quod iam monuimus, & ipse Dissertationis & Sectionis huius tituli innuit, vfi-

aaaa) Inter quos imprimis ROHRIVS eminent STVRMIVS, TSCHIRNHAUSIVS, celeb. HAMBERGERVS, Excellentissimusq; WIDEBVRGIVS, quorum scripta celebriora sunt, quam vt eorum titulos transferre opus habeam. Conferri ad hæc anonymi libellus potest, qui Wratislav. prodiit 1720. 8vo. Aufmunterung zu den Mathematis. Wissenschaften.

vsitatam mathematicis docendi & demonstrandi rationem ad philosophicas disciplinas applicari posse ostendamus.

§. CLXII.

Ad hæc, nisi omnia me fallunt, fere ea iam sufficerent, quæ supra (§. 140. 141) in rem attulimus. Tamen, ut ne fine excidamus, rem altius repetere breuibus licebit.

§. CLXIII.

Cum philosophia scientia possibilium sit, quatenus sunt possibilia (§. 6.) possibilium vero entium multa dantur, (experientia teste) sequitur, ut circa vnumquodque eorum ipsa philosophia versari debeat.

§. CLXIV.

Vbi plura vnum constituunt, ibi totum deprehenditur (§. 65.) Igitur quando scientia possibilium philosophia dicitur, totum est, totius vero partes sunt, quæ circa vnumquodque rerum possibilium considerationes instituuntur (§. cit. 163.)

§. CLXV.

Dantur itaque variæ & diuersæ ipsius philosophiæ partes, quæ ex consideratione possibilium nascuntur (§. 164.)

§. CLXVI.

Qui ad experientiam suam probe attenderit, multorum possibilium conscius sibi erit (§. 77.)

§. CLXVII.

Quia vero anima est, quæ res posibles repræsentat
F 2 sibi

sibi (§. 78.) eo vero ipso suimet ipsius conscia dicitur (§. 79.) ipsa illa prima est inter res possibiles, quæ considerata venit.

§. CLXVIII.

Instituatur vero hæc consideratio animaque ad illam ducitur per experientiam internam (§. 114.) ita quidem, ut supra mutationes suas mens reflectat (§. cit, 113.)

§. CLXIX.

Prima vero mutatio, quæ in mente sese exserit, ea ipsa est, quæ possibilia repræsentare sibi posse sentit: Altera, qua aliquid appetere vel auerfari posse obseruat. Vis illa intellectus, hæc voluntas dicitur.

§. CLXX.

Porro cum mens cum corpore coniuncta (§. 78.) hoc ipsum vero inter entia possibilia referendum sit (§. 63. 64.) noua alicuius entis consideratio exsurgat necesse est (§. 166.)

§. CLXXI.

Mundus est series simultaneorum & successiuorum inter se connexorum.

§. CLXXII.

Igitur mundus vnum, adeoque totum, est, simultanea vero & successiua partes sunt totum constituentes (§. 171. 65.)

§. CLXXIII.

Philosophia, quod omnes res possibiles respicit (§. 6.

(§. 6. 163.) etiam circa mundi partiumque eius considerationem versari debet (§. 172. 173. 60.)

§. CLXXIV.

Ipsæ, quæ mundum constituunt, illæ partes creaturæ appellantur vel res creatæ.

§. CLXXV.

Creare in sensu latiori est, rem absolute antea possibilem existentem reddere.

§. CLXXVI.

Creaturæ, quod experientia testatur, omnes agunt, actionem vero vel per motum vel per cogitationes produunt. Quæ mouentur, corpora, quæ vero cogitant, spiritus solent appellari.

§. CLXXVII.

Ergo mens nostra spiritus est (§. 176. 169.)

§. CLXXVIII.

Noua igitur philosophiæ capita duo oriuntur: Vnum, quod circa considerationem corporum, alterum, quod circa spirituum speculationem occupatur (§. 165. 167.)

§. CLXXIX.

Cum nihil sine ratione sufficienti fiat, cur potius sit, quam non sit (§. 71.) vt etiam corpora & spiritus rationem suam habeant, cur existant, necesse est (§. 60.)

§. CLXXX.

Hæc vero ipsa ratio, quod & corpora & spiritus sunt (§. 176. 174.) in alio ente ab his diuerso quærenda est (§. 175.)

§. CLXXXI.

Quod ens , cum & ipsum sit possibile, imo necessarium (§. 180. 63. 64) sequitur , vt ex consideratione eius noua philosophiæ pars emergat. (§. 6. 165. 3. not. c.)

§. CLXXXII.

Quælibet harum philosophiæ partium proprium sortitur suum nomen. Itaque quæ intellectum spectat, Logica, quæ voluntatem, ius naturæ appellatur (§. 169.)

§. CLXXXIII.

Ea , quæ generalem mundi considerationem instituit (§. 173.) Cosmologia, quæ spirituum (§. 178.) Pneumatologia, quæ denique ipsius Dei (§. 180.) naturalis Theologia audit. Hæc vero tria capita doctrinam *bbbb*) metaphysicam constituunt.

§. CLXXXIV.

Denique, quæ ad corporum indolem & naturam disciplina respicit (§. 176. 178.) Physica vocari solet.

§. CLXXXV.

bbbb) Originem denominationis suæ scholasticorum filiis hæc disciplina debet , qui Præceptoris sui, Aristotelis, male intellecta mente, alienam formam huic induerunt, & in quod Aristoteles maxime intendit, ex philosophia prima & scientia de ente lexicon aliquod philosophicum exsculperunt. vid. IAC. THOMASII Hist. Metaphys. erotematibus metaphysicis præmissam (§. 73) Meliorem sortem nacta hæc disciplina est ex recentiorum quorundam industria, Illustris imprimis WOLFFII in den vernünftigen Gedancken von Gott, der Welt und der Seele des Menschen, & Excellentissimi Dom. P. SYRBII in Philosophia prima.

§. CLXXXV.

Sed quid , ais , hæc ad nos? Age rem tuam, & promissi memor (§ 161.) fac ostendas methodi mathematicæ applicationem ad disciplinas, quas indicasti, philosophicus!

§. CLXXXVI

Agam igitur, & præmittendis iam præmissis, rem brevibus expediam.

§. CLXXXVII.

Methodus mathematica , quæ ordo est res & doctrinas suas proponendi mathematicis vsitatus (§. 59) cum non admittat , nisi id , de quo certi sumus (§. 131.) ut in omnibus disciplinis , quæ certitudinem pro fine habent, possit applicari necesse est.

§. CLXXXVIII.

At vero ipsa philosophia est, in qua ad vnam partem cum certitudine intellectus flectitur (§. 4.) Igitur ipsius placita , quæ vel in logica disciplina vel morali (§. 182.) vel in metaphysica, (§. 183.) vel denique physica (. 184) traduntur , ista ipsa mathematicorum methodo vestiri possunt. (§ 187.)

§. CLXXXIX.

Accedit ipsius scientiæ notio, quæ habitus demonstrandi est (§. 5.) & ex principiis conclusiones ducit. (§. 4.) Namque cum methodi mathematicæ sit , ex principiis extra dubitationem constitutis conclusiones deriuare (§. 131.) ipsa vero philosophia quoque scientia appelletur (§. 6.) eam methodo mathematica tradi & proponi esse patet. (§. 60.)

§. CXC.

Quid vero multis? Existunt clarissimorum philosophorum scripta, quæ cuius possibilitatem ostendimus (§. 187. 188. 189.) actualitatem probant. Ita enim in scenam

nam prodeunt Illustris WOLFFII scripta varia ad philosophiæ partes pertinentia: METERNICHII, experientissimi D. HAMBERGERI aliorumque clarissima tentamina, quibus omnibus, si necessitas postularet, nec variæ rationes dissuaderent, ipsi facile propositiones quasdam philosophicas methodo mathematica demonstratas possemus addere.

§. CXCI.

At, ais, num & ad Theologiam potest methodus mathematica applicari? Ego mysteria hæc non tangam, sed te curiosum ad S.R. WIDEBVRGII, REICHLINI, HVETII, PVFFENDORFII, aliorumque scripta atque dicta mitto.

TANTVM.

